


հեկան է տալիս եւ երկու ժամ ստանում. Չուսնեց Դեղը նոյնպէս երկու ժամ ստանում (Յաւել. Ա. 99, պատկ. 139): Սարու ոմն տալիս է 40 դահեկան եւ երկու ժամ ստանում. Ոսկին, Հաւրքուրը, Մանուշը քսան քսան դահեկան են տալիս և մի մի ժամ ստանում (Յաւել. Ա. 103): Արեւելեան պատի երկու խորշերի մէջ արձանագրութիւնների բեկորներ կան, նորոգութեան ժամանակ պատերի մէջ հազցրած, որոնցից երկուսը իմաստ ունին. Մամխաթուն եւ Ներսէս որդի Ովանիսի մի մի ժամ են ստանում, առաջինը 20 դահեկան տալով, իսկ երկրորդը միայն ընծայ (Յաւել. Ա. 104):

Իւանէի տիրապետութեան և գերիշխանութեան տակ(*): Ազատ դեռի հովիտը Իւանէի իշխանութեան մէջն էր մտնում Այրի վանքի հետ: Իւանէի մի ընդարձակ արձանագրութիւն աւելի եւս պարզում է խնդիրը (Յաւել. Ա. 4, պատկ. 142). արձանագրութիւնը տարաբաղդաբար անաղարտ չէ հասել մեզ. նորոգութեան ժամանակ իւր տեղում չեն հազցրած որոշ մասեր, այլ Սորինշահի արձանագրութեան տակ, որով և առաջին տողերից որոշ բառեր պակաս են և մենք լրացնում ենք անկիւնաւոր փակագծի մէջ գնելով: Արձանագրութիւնը թուական չունի, բայց դժուար չէ որոշել մտաւարդ ժամանակը. արձանագրութիւնը,



Պատկեր 142.

Այս և մնացած արձանագրութիւններից, որ կը բերենք, պարզ է, որ Չաքարեանները տաճարի շինութեան, ինչպէս և ժամատան, մասնակից չեն անմիջապէս, թէև 1200 թուականից արդէն վանքը նրանց իշխանութեան մէջ էր, աւելի ճիշդ Իւանէի: Մենք առիթ ենք ունեցել պարզելու, որ Չաքարեանց տիրապետութեամբ արեւելեան Հայաստանը երկու մասի էր բաժանուած երկու եղբայրների և ապա նրանց որդիների գերիշխանութեան տակ. Լոսիի և Անիի շէրջանները, Արագածոտն մինչև Երասխ՝ Չաքարիա մեծի և նորա որդի Շահնշահի տիրապետութեան և գերիշխանութեան տակ էր, իսկ Աղստեւի գետից սկսած, Բջնիի և Գեղարքունեաց, Վայոց ձորի, Արցախի մի կարեւոր մասի և Սիւնեաց զաւառներով մինչև Երասխ՝

թէև գրուած է «աթաբակ Իւանէի եւ արեան հարազատի իւրոյ տիեզերակալին Չաքարիայի» անունով, բայց անկասկած է, որ Չաքարեան վախճանուած էր արդէն (* 1212). արձանագրութիւնների մէջ յաճախ են պատահում այդպիսի երեւոյթներ. ննջեցեալների անունով հարազատները կարգադրութիւն են անում կամ նրան յիշատակում որպէս մասնակից կատարուած կարգադրութեան. օրինակ հէնց նոյն Իւանէի արձանագրութիւնը Հաղարծնի վանքում նման բովանդակութեամբ, ուր յիշուած է Չաքարիայի մահը(**). հէնց այստեղ, Աստուածածնի այրի պատին՝

(*) Մեր Խաղբակեանք Ա. 16 - 17:
 (**) Զաւ. Ա. 31: Բարխ. Արցախ, 366: